

# Izjava OHR-a na konferenciji za medije medjunarodnih organizacija

Prvi zamjenik visokog predstavnika Donald Hays posjet će sutra Banja Luku gdje će se sastati sa predsjednikom RS Draganom Cavicem i premijerom RS Draganom Mikerevicem, te sa predsjedavajućim Narodne skupštine RS Dragom Kalinice i drugim članovima Skupštine.

Tokom boravka u Banja Luci ambasador Hays će posjetiti Hemofarm, kompaniju koja proizvodi i prodaje lijekove. U proizvodnu liniju Hemofarma investirano je preko 9 miliona Eura, i ova kompanija koja zaposljava stotinjak ljudi, izvozi 90% svojih proizvoda. Boraveći u Banja Luci, ambasador Hays će naglastiti političarima, privrednicima i javnosti, da je Bosna i Hercegovina uključena u neizvjesnu utrku između siromastva i prosperitetne demokratije. Ovo je utrka koju države ne smije izgubiti – prosperitet i demokratija moraju pobijediti, a to znači da ne smije biti daljih odgadjanja u provedbi krajnje neophodnih reformi. Bosna i Hercegovina mora naci put da se izveze iz recesije (krize).

Nije u pitanju puko donesenje novih zakona – iako je to sastavni dio. Vlade moraju da se oslobole zakonski odredbi koje otezavaju profitabilnost poslovanja, da zaposljavaju nove radnike i pojacaju izvoz. Tokom prve faze Buldozer procesa vidjeli smo kako to može biti efikasno. (u tom kontekstu trebao bih spomenuti da će 6 regionalnih Buldozer komisija prezentirati svoje rad članovima Vlade i Parlamenta FBiH, te da će sutra to ponoviti pred Parlamentom BiH).

Predstavnici vlada entiteta i BiH su se proljetos na Mrakovici obavezali da će provesti paket reformi tokom ljeta – ta ljetna ofanziva protiv nezaposlenosti je u toku. Ambasador Hays će

sutra na sastanku sa predstavnicima vlade RS razgovarati o postignutom napretku.

Ambasador Hays ce se obratiti novinarima, nakon razgovora sa premijerom Mikerevicem, te poslije razgovora sa clanovima Narodne skupštine RS. Novinari se takodjer pozivaju da budu u pratnji ambasadora Haysa tokom njegove posjete fabrici Hemofarm. Ispred sale imate kopije obavjestenja za medije sa svim detaljima.